

宣和奉使高麗圖經卷第七

冠服

臣聞東夷之俗斷髮文身雕題交趾高麗自箕子封時已教以田蠶之利則當有衣冠矣漢史稱其公會衣服皆錦繡金銀首飾而太加主簿著憤如冠小加著折風如弁豈依倣商周冠弁之制而然乎唐初稍服五采以白羅為冠革帶金珥鄭刻云革帶皆金飾逮我中朝歲通信使屢賜襲衣則漸漬華風被服籠休翕然丕變一遵我宋之制度焉非徒解辮削衽而已也然而官名參差朝衣燕

高麗圖經卷七

一知不足齋叢書

服時有同異者謹列之作冠服圖云

王服

王常服鄭刻王上有高麗字烏紗高帽窄袖細袍紫羅勒中間繡

金碧其會國官士民則加幘頭束帶祭則冕圭惟中朝人使至則紫羅公服象笏玉帶拜舞鄭刻有膝踏極稱鄭刻臣

節鄭刻有或間字平居燕息之時則阜巾白紵袍與民庶無

別也

令官服

高麗建官唐武德閒有九等一曰大對本此下凡關

二百八十一字



以國相條未樞密使副同知院奏事等官通許服之句誤接於下 靈總知國事次曰太

大兄次曰鬱折次曰大大夫人使者次曰衣頭大兄掌機密謀政事遣發兵馬選授官爵次曰大使者次曰大兄次曰位使者次曰上位使者次曰小兄次曰諸過節次曰先人又有掌賓客鴻臚卿以大兄使者為之又有國子博士通事舍人典書客皆小兄以上為之又諸大城置僊薩比諸督諸城置處問近支比刺史亦謂之道使其武官曰大模達比衛將軍阜衣頭大兄以上為之次曰末客比中郎將以大兄以上為之其次領千人以

高麗圖經卷七

正知不足齋叢書

下各有等差今其官稱勳秩往往竊倣中朝或詰其由則曰遵用開元故事至其衣冠亦或似之前世臣服以青羅為冠絳羅為珥飾以羽毛比年國官悉以紫文羅袍紗製幘頭其玉帶佩金魚惟官至太史太尉中書令尚書令者則服之

國相服

國相之服紫文羅袍毬文金帶仍佩金魚侍中太尉司徒中書門下侍郎平章事參知政事左右僕射政堂文學判尚吏部

鄭刻以上皆闕事字以下誤接上條一曰大對句下。又案鄭刻事上有盧字蓋卽



上條大對下事樞密使副同知院奏事等官通許服之

近侍服

近侍之服紫文羅袍御仙金帶仍佩金魚自左右常侍御史大夫左右丞六尚書翰林學士承旨學士以上及祇待國朝使命接伴館伴官悉服之

從官服

從官之服紫文羅袍御仙金帶御史中丞諫官給事侍郎州牧畱守使副閣門執贊六尚直官鄭刻都知兵馬四部護使等與其非泛恩數悉服之王之世子及王之

高麗圖經卷七

三知不足齋叢書

兄弟亦然

卿監服

卿監之服紫鄭刻文羅袍紅鞞犀帶仍佩銀魚六寺卿貳省部丞郎國子儒官祕書典職以上悉服之

朝官服

朝官之服緋文羅袍黑鞞角帶仍佩銀魚司業博士史館校書太醫司天兩省錄事以上悉服之其鄭刻有階於字官亦限年數必待遷升而後改易也館伴見中朝人使於館中則各置二人服緋前導惟不佩魚當是做本朝



朱衣雙引之制也

庶官服

庶官之服綠衣木笏幘頭烏鞋

鄭刻

自進士入官省曹

補吏州縣令尉主簿司宰等悉服之

宣和奉使高麗圖經卷第七

高麗圖經卷七

四知不足齋藏書